

籠禽得高巢，轍鮒還霄闌。翳翳桑柘墟，紛紛田里歡。兵戈忽消散，耦耕非艱難。嘉木偶良酌，芳陰庇清彈。力農唯一事，趣世徒萬端。靜覺本相厚，動為末所殘。此外有餘暇，鋤荒出幽蘭。

酬孟十二新居見寄 陸長源

大道本夷曠，高情亦冲虚。回隨白雲意，偶逐青蘿宮。青蘿分蒙密，四序無慘舒。餘清濯子衿，散彩還吾廬。去歲登美第，榮名在公車。將必繼管蕭，豈唯躡屣徐。自長尚清和，殘芳遍丘墟。褰幃陰窻柳，汲井滋園蔬。孟詩五逕考責知心，古人不顯餘。愛君蔣生逕，且著茂陵書。

題韋少保靜恭宅藏書洞

高堂合天製，自然狀無窮。仙華凝四時，玉蘚生數峯。書祕漆文字，匣藏金蛟龍。閑為象侯肅，閑作雲雨濃。洞隱諒非久，聲夢誠必通。將綴文士集，貫就真珠叢。

生生亭

攤開不妨語，跨溪仍一作宜置亭。置亭帶嶺頭，開窓納遥青。遥青新畫出，三十六扇屏。裊裊立平地，稜稜浮高冥。一日數開扇，仙